

**Ain Christlicher
Vnderricht der
Bruederlichen lieb**

Böschenstein, Johann

Vorwort

Wieder einmal ging ein Jahr vorüber, und wir befinden uns im Jahr 2021 – nach einem sehr chaotischen Jahr geht es weiter.

Dieses Jahr hat uns allen eine Menge abverlangt – doch Gott hat uns hindurchgetragen.

Für mich persönlich bot die Zeit, die ich gewonnen habe, die Gelegenheit, einige neue Bücher zu erstellen. Gleichzeitig überarbeite ich viele der alten Bücher, sei es, um Fehler zu beheben oder neue Inhalte hinzuzufügen.

Vielleicht hat aber auch der eine oder die andere Lust, mitzumachen und neue Bücher zu erstellen – spricht mich einfach an.

Euch allen wünsche ich Gottes reichen Segen und dass Ihr für Euch interessante Texte hier findet. Für Anregungen bin ich immer dankbar.

Gruß & Segen,

Andreas

Böschenstein, Johann - Ain Christlicher Vnder- richt der Bruederlichen lieb ...

... gezogen auß der heyiligen geschriff. Durch Johann Boschenstayn.

Zugesandt h. Philippo/ Münch Collegaten zu haydelberg. Anno. M.D.
xxiiii. Jare.

Im namen des herren. CHristus Jesus sagt. Dz ist mein gebot/ das ir einander lieb habt/ wie ich euch geliebt hab/ niemand hat ein grössere liebe/ dann welcher sein seel setzt fur seyne freünde/ jr seyt meine freündt/ ob ir thun wert das ich euch gepeüt. Die wurtzel der lieb ist der fest glaub/ vnnd höchsts vertrauen in Christum Jesum den sun gottes/ vonn der reynen magt Maria/ nach der menschait geporn/ von den schriftgelertn getödt/ von Got dem vater auff erweckt/ am dritten tag von dem todt/ darnach in die himel gestiegen/ sitzent zu der gerechten Gottes/ da selbs eyniger mitler vnd eyniger fürsprech menschlichs geschlechts gegen got vmb vergebung der sund. Also ist diser glaub ein warer vrsprung darauß die lieb volgen muß/ gegen dem nechsten/ wie vns Christus gelert hat/ was ir den mynsten (die in mich glauben) thund/ das wil ich annemen als het ir mirß gethon die liebe geduldt alle gebrechen des nächsten/ sy gedult den gerechten vnd vngerechten/ wie Christus die Sonn laßt scheynen über gut vnd böß/ die liebe frewt sich der gerechtigkeit vnd warhait/ sy leydet dz vnrecht/ sy ist bereyt zu aller miltigkeit gegen dem menschen/ sye sucht nit das ir ist. aber sy besorgt den nutz des nechsten/ also soll vns nicht scheyden/ von der lieb/ weder neyd. forcht/ zorn/ pein leyden/ durchächtung/ kainerley gebrechen vnnsers nechsten/ aber alweg die lieb fur den haß/ die miltigkeit fur die grewlicheyt/ verzeyhung fur die vrtail/ den frid fur den krieg verwechslen Summa wann wir nit guts vmb args thun/ vnnsere feynd nit lieb haben/ so sey wie nit mer dann die Heyden vnd Türcken/ die allein iren freunden wol/ vnd iren feynden ubels thund/ wir seyen warlich nit Christen so wir den worten vnd gebotten Christi nit festen glauben/ mit der that geben/ als Paulus sagt: Dann euch ist es geben zuthun/ das ir nit allein an christum glaubent/ sonder auch vmb in leident/ er hat ye vns das gebotten vnd gelert/ gesagt/ so ir das wist/ so werts ir selig so ir es thut. Hör was Paulus sagt/ ob ich redte mit aller Englen vnd menschen zungen/ vnd hette den geyst der propheten vnd alle kunst/ vnd ob ich het allen glauben/ als das ich ein perg auff den andern trüg rc. Ob ich aber nit hab die lieb/ so ist es alles nichts rc. Dann der böß

geyst glaubt auch das ein got sey/ aber mangelt der lieb/ also auch ob ich durch meine eüsserliche werck von allen menschen frumm/ gerecht/ geystlich geschetzt wurde/ so were alles verlorn vnd vmbsonst/ gantz nichts werd/ wa ich nit hette die lieb gegen meinen nechsten menschen/ er sey Christ/ Jud/ Heyd/ Turk/ Tader/ weiß oder schwartz/ böß oder gut/ dann bey vnserm Gott ist kein anschawung der person/ Sonder in einem yedem geschlecht Wellicher got furcht/ vnd würckt die gerechtigkeit/ der ist an dem herren. Auch sagt Christus vnser maister vnd gott Was ir begeret das euch die leüt thun sollen das thut auch jnen/ nit allein ewren freunden/ aber auch ewren feynden/ habt einander lieb darbey erkent man euch das ir meine iunger seyt. Item Paulus. Ir seyt nietmants etwas schuldig/ dann einander lieb zu haben Die liebe ist ein erfüllung alles geschetz gottes/ wellicher sein nechsten lieb hat/ der selb erfult das gesetz. Dann das ist ye das eynig vnd höchst gebott Christi/ wie obensteet. Paulus sagt weyter/ sond in eüch ist/ solt ir frid halten mit allen menschen/ dann es steet geschryben/ mir gehort die rachung. Vnd ich wird widergelten spricht der herr/ darumb so hungere wirt dein feind/ gib im die speyß/ so in dursten wirt/ gib im das tranck rc. Du solt nit über sigt werden von der bößheit/ aber uberwind du mit gutem dz böß rc. Christus sagt/ hab got lieb dein herren in gantzem deinem hertzen/ in gantzem deiner seel / vnd in gantzem deinem gemüt/ Das ist das gröst gebot vnd das erst/ Das ander ist dem gleich/ hab lieb dein nächsten als dich selb/ In diesen zweyen geboten hangt das gantz gesetz vnd alle Propheten/ darumb bedurffen wir Christen menschen nit grosse oder spitzfindigkeit brauchen zu vnserm glauben allem/ die liebe lassen erscheynen auß dem glauben/ Als wie ich Christo gelaub/ also erzeyg ich die liebe meinem nesten wie ich dem armen hilff also ertzeyg ich mein glauben den ich in Christum vnnd seine wort hab/ Wir kunden Christo nichts thun dann wie er vns geheysen hat/ den armen helffen auß warem glauben/ vnd brüderlicher lieb/ dann was wir sunst gut schätzen/ ist vor got nit an dem herren/ als Isaias sagt.

Vnd wir alle seynen vnreyn/ vnd all vnser gerechtigkeit als ein vermaliger vn sauber tuch/ Allein dy brüderliche lieb einander zubeweisen/ so wir das thun hab wir das gantz gesetz erfult/ Alls Paulus sagt das gantz gesetz wirt erfüllet in eim wort furwar dz/ du solt liebhaben dein nächsten als dich selbs/ vnd das die werck der liebe erscheynen zu nutz vnd dienst dem nächsten/ Vnnd also mit gutter ruw/ fridlich bey einander einhelliglich wo-

nen on getzanck/ eyner dem andren seynen mangel gedultiglich helffen tragen. Als Paulus sagt. Ir solt tragen einer des andern bürde/ vnd also erfüllet ir das gesatz Christi mit rechtem mitleyden/ so wurden wir Christen wann wir sein gepot hielten/ Yderman bey vns fridsam ssein/ Helffen/ vnd rieten auch den frembden ausserhalb vnsers glaubens/ dz sy auch zu Christo getzogen wurden/ durch vnser eynig/ frydlich leben/ vnd brüderlich liebe/ Nit eynander in neyd/ oder tratz/ in zanck erweckten/ Zu widerwertigkeit/ vnnützer disputation/ Zorn/ sondern in frydsamer eynigkait/ einer dem andern durch ware lieb vnderweysen vnnnd leren/ nit mit gryßgrammene mit sturm worten/ mit aufsätzigen spotworten/ oder verachtung der personen/ Sonder mit bewertten götlichen geschrifften/ freüntlichen ermanungen/ Niemand scheühen nach der person/ Aber die sund vermeyden/ vnd nicht den sunder/ so lang biß er bekert wirt/ Nit ein speltlein suchen in eines andern aug/ vnd seines eygen balcken nit acht haben/ Auch vnns selbs nit gerecht schätzen/ aber all fur sunder/ dann welcher on sund oder yrrung sey/ der werff sein neydstein zum ersten an den vngerechten/ dann wir sein all nit gerecht. Als Daudid sagt: Herr du solt nit eingeen mit deinem knecht in das gericht: dann nit ist rechtfertig vor dir ein ydes lebendig/ Allein demütige liebliche gedult mit dem nechsten haben/ Niemants ergern/ schmehen/ verachten/ nimants verhindern/ dann das thut nicht die brüderliche liebe/ nit der glaub nit die hoffnung/ die liebe würckt nit solliche werck des verderbers sonder milte werck des nechsten mitleydens/ Der rechten liebe ist nichts zu schwer/ nichts zu bitter/ nichts vnmüglich/ hat kein scheinhen/ sonder alle ding süß/ freüntlich/ leidig einhellig/ geduldig/ ob auch got ein menschen/ laßt kranckheit/ Armut/ widerwertigkeit/ Ellend/ oder ander gebrechen leyden/ wo die lieb da ist/ so seind dise ding alle gering/vnd leycht zu tragen/ allweg gedencken/ O Herr/ du verlasses mich nymmer/ ob du mich lassest schwymmen/ so lassest mich doch nit ertrincken/ oder ersaufen/ mein Hoffnung hofft in dich/ in gantzer liebe rc. Auch ob ein mensch wider das ander thut in was gestalt es sey/ ist die liebe vnd vertrew da/ so ist das leyden den aber leycht/ vnd bringt kein unwillen/ dann die recht liebe sucht nit iren aygen nutz/ sonder des/ in den sy sich neyget/ vnd anhanget. Dann die recht liebe neyget sich allein zu nutz von dienstparkeit/ on alles verdriessenn in iren nechsten/ verhut auch alle geferlicheit der menschen/ sy gibt kein ergernuß/ sonder sy furkumpt vnd vbertregt allen vnnwillen. Als Paulus sagt. Ir solt sein onn beschädigung der Juden vnd Hayden/ vnd

der samblung gottes/ als vnnd ich durch alle ding/ allen menschen gefellig
bin/ das ocj mot sicj/ das mir nutz ist/ sonder das vil menschen nutz ist/ auff
das sy selig werden/ Also soll wir auch thun/ so wirt vns got sein gnad auch
überflüssig mitteylen/ Wie wir die lieb vnsern nechsten mitteylen/ das/ mit
wellicher maß wir vnserm nechsten messen/ wirt vns got mit der selben
maß wider gelten/ mit was vrteyl wir vnsern nechsten richten/ wirt vns got
auch richten/ darumb vrteilt niemant vor der zeyt das ir nit geurteylt werdet.
Ist der beschluß das kein mensch den andern sol verachten/ Dann got hat
gemacht alles geschlecht der menschen auß einem plut zu wonen auf dem
gantzen angesicht der erden/ von einem Got erschaffen/ erlost vnd erwelt
zubesitzen das reich gottes/ keiner sol der meret sein/ dann der dem andern
dienen wil/ keiner gerechter/ keiner sich frümber schetzen/ sondern all
gleich formich fur einander bitten/ vmb vergebung der sund/ das ist der wil
vnd die leer Christi/ dardurch er vns selig machen wil/ vnd sunst durch kein
ander werck dann durch festen glauben vnd ware lieb/ on mißgreiffung.
Laßt vns Christo vnserm erlöser lob vnd danck sagen vmb diese gnaden rei-
che zeit/ damit er vns bestät in seiner heylsamen leren vnd gebotten/ vns die
gnad beweyse das wir die rechte bruderliche liebe on vnderschied/ on par-
theyschin vnser hertzen setzen/ mit den guten oder erwelten ein freüd ha-
ben/ aber mit denn yhenen so nit hoch begnadet seind/ ein brüderlich mit-
leyden haben got fur einander hertzlich bitten/ vmb einhellig gnad/ vmb ein
verstand. Als Paulus sagt. Dann got ist getrew/ durch welchen ir berufft
seind zu der gesellschaft seines suns vnser herrn Jesu Christi. Aber ich er-
man euch lieben brüder durch den namen vnser Herren Jesu Christi, das ir
all zu mal eynerley synnes seyt/ vnnd habt nit zwitragt vnder euch/ sonder
seyt volkomen in eyem syn vnd eyner meynung/ dann mir ist fürgehalten
von euch/ meine liebe brüder von dem gesind Chloes/ das zwitragt sey
vnnder euch/ Daruon sag ich das yegklicher vnder euch sagt/ ich bin Pau-
lisch/ der ander ich bin Appolisch/ der drit ich bin Cephisch/ der viert ich
bin Christisch rc. Wie meynt ir das/ ist dann Christus in stuck geteylet/ Ich
danck got das ich niemant vnder euch getaufft hab/ Dann wenig person rc.
Also laßt vns yetz auch nit thut/ das wir vnder vns secten machen/ dadurch
die menschen parteisch möchten werden/ wandlen fridlich vnder einander/
laßt vns bey Christi leer bleyben/ vnnd ein benügen daran haben/ Sein joch
ist suß/ vnd sein bürdin leicht er wil vns selb erquicken/ vnnd vnser tröster
sein/ Laßt allen neyd fallen/ lest sein warhaffte leer/ seine / Ewangelia/

schwanckt nit zu der rechten oder lincken seyten/ nempt Christum allein an/
Laßt in versen lerer/ Doctor/ Maister/ vnd vater sein/ nymant ist gut dann er
allein/ Es kan nyemant ein ander fundament setzen/ on das gesetzt ist wor-
den/ das da ist Christus Jhesus/ der herre erkent die gedancken der men-
schen/ dann sie seind valsch/ also sol sich nyemant berümen in den men-
schen/ Lieben brüder alle ding seind ewer. Es sey der todt/ es sey das ge-
genwertig oder das künfftige/ alles das ist ewer/ ir aber seyt Christi/ Chris-
tus aber ist Gottes/ Deß nam gelobet vnd gebenedeyet ist in ewigkayt.
Amen.

Lieder

Ain new gedicht, durch Johann Böschenstain

GOt ewig ist, on endes frist,
sein wesen on zerissen,
Vnd doch Dabey, was gott selb sey,
das mag kain mensche wissen:
Got darff kain zeyt, alls ander leut,
kain stat noch auch kain stunde,
zu seiner stim kain munde;
Zu seinem gon, Auch zu seim ston
darff er kain süß, als ich hon müß,
er ist auch gar langsame
vnnd doch nit treg, dabey alweg
zichtig, keüsch, on all schame.

Got on anfang, er ist nit lang,
nit kurtz, groß oder klaine,
Nit da noch dört, vnnd auch nit hört,
als auff erd seind die staine;
Nit ler noch vol, nit ala ain wol
lind oder weyß gestalte,
auch weder jung noch alte,
Nit diß noch das, nit mer noch baß,
nit spat noch frü, noch ferr noch hie,
vnd ist doch überale,
ich bin bericht, das in irr nicht
kain perg noch auch kain tale.

Got ist nit schnel, auch nit sinwel,
vnd doch behend on eilen,
Got ist on zwanck, nit starck nit kranck;
richt sich auff vnderweilen,
Vnd hat kain haupt, als mancher glabt;
gott ist sich gar dick naigen
auch vast nider erzaygen,
Vnd hat kain knie, ich waiß nit wie
wandert der her, nit nach noch verr,

jn mag niemand bezwingen,
nit fleß nit saur, durch stain vnd maur
ist sein gewalt auß dringen.

Got ist nit blaw, nit grien noch graw;
vnglück in nit betriebe,
Nit laut noch still, wenig noch vil,
on müde er sich übet:
Wie zaig ich in menschlichem sin?
niemand mag in erkennen,
sein namen auch nit nennen;
Vnd auch dabey aller taylung frey,
nitt zwen noch drey, noch was er sey,
das mag kain zung außsprechen:
wer pricht sein gebot, sag ich on spot,
an dem wirt sich got rechen!

Noch ist bereit götlich driualttigkait,
vnd ist doch nun ain wesen.
Hie laß ichs ston, nit weytter zu gon,
also hab ich geleßen:
Es wer vmb sunst, das ich mitkunst
solich sach wölt auß grinden,
das kain mensch ye mocht finden;
Kain weyß noch gstat ward nie gemalt,
wie got der her gestaltet wer,
kain farb mag ihn auß weysen;
kain holtz noch stain, noch laim noch bain,
gold, silber, noch kain eyßen.

Got vngenant, auch vnbekant
allen geschöpften iste:
Sollt mein verstan got dar vmb lan?
das wer ain arger liste;
Ich wer auch tab, dann rechter gelab
sagt von macht, weyßhayt, güte
vnd wie vns gott behüte,
Auch seiner milt niemandt engilt:
gieng ich das irr, was solte mir

mein speher list zu prauchen?
darumb all die vns irrent hie,
müßent in kunsten strauchen.

Got klarer schein, hie laß ichs sein,
dein gothayt vnberüret:
Ker mein begir allain zu dir,
als künig dauid probieret.
Der spricht vns zu, das ware ru
alain in got werd funden
nach diesem ellend zu stunden;
Er zayget, das der recht weg was,
das wir on schuld, in der geduldt,
vnser sel hie besitzen:
was hilfft, das sunst wir on die kunst
vnser vernunfft ser spitzen?

Her got, ich pit, verlaß mich nit,
laß mich dein diener bleyben!
Allain in dich bin hoffen ich,
dein hilff von mir nit scheidel!
Dan kain trost ist, wa dein hilff nit ist,
in himel vnnd auff erden
kain mensch salig mag werden.
On dein gnad wirt kaines rath:
so send vnns trat dein hilff vnd rat
vnd laß vns nit verderben,
in disem tal leid wir groß qual
mitt krieg vnd großem sterben.

Da Jesus an des Kreuzes Stamm

1. Da Jesus an des Kreuzes Stamm
Der ganzen Welt Sünd' auf sich nahm,
Sprach er in seinen Schmerzen
Noch sieben Wort', die lasset uns
Erwägen wohl im Herzen.

2. Zum ersten: Vater, strafe nicht
An ihnen, was mir jetzt geschicht,

Weil sie es nicht verstehen.
Vergib uns, Gott, wenn wir auch noch
Aus Irrtum was begehen!

3. Zum andern er des Schächers dacht' :
Fürwahr du wirst noch vor der Nacht
In meinem Reich heut' leben.
O Herr, nimm uns auch bald zu dir,
Die wir im Elend schweben.

4. Zum dritten: Deinen Sohn sieh, Weib!
Johannes, ihr zu Dienste bleib
Und sie als Mutter liebe!
Versorg, Herr, die wir lassen hier,
Daß niemand sie betrübe!

5. Zum vierten sagte er: Mich dürst' t!
O Jesu, großer Lebensfürst,
Du hast Durst und Verlangen
Nach unsrer Seligkeit; drum hilf,
Daß wir sie auch empfangen.

6. Zum fünften: O mein Gott, mein Gott,
Wie läßt du mich so in der Not?
Hier wirst du, Herr, verlassen,
Daß uns Gott wieder dort aufnehm' .
Den Trost laß uns wohl fassen.

7. Zum sechsten: Hiermit ist vollbracht
Und alles nunmehr gutgemacht.
Gib, daß wir auch durchdringen,
Und was du, Herr, uns auferlegt,
Hilf seliglich vollbringen.

8. Zum siebenten: Ich meine Seel' ,
O Gott, mein Vater, dir befehl'
Zu deinen treuen Händen.
Dies Wort sei unser letzter Wunsch,
Wenn wir das Leben enden.

9. Wer oft an diese Wort' gedenkt,
Wenn seine Missetat ihn kränkt,
Der wird es wohl genießen;
Denn er durch Gottes Gnad' erlangt
Ein ruhiges Gewissen.

10. Verleih und dies, Herr Jesu Christ,
Der du für uns gestorben bist!
Gib, daß wir deine Wunden,
Dein Leiden, Marter, Kreuz, und Tod
Betrachten alle Stunden!

Passionslied

*Nach einem alten bei Friedrich Gutknecht in Nürnberg ohne Jahr erschienen Druck unter dem Titel
„Ein geistlich Lied von den siben Worten, die der Herr an dem Creutze sprach. Ein ander Lied von
einem Apffel und von dem leiden Christi. In dem roten Zwinger thon“*

Da Jesus an dem Kreuze stund¹
Und ihm sein Leichnam was verwund' t
So gar mit großem Schmerzeln,
Die sieben Wort, die der Herre sprach,
Betracht' in deinem Herzen.

Zum Ersten sprach er gar süßiglich
Zu seinem Vater vom Himmelreich
Mit Kräften und mit Sinnen:
Vergieb ihn'n, Vater! sie wissen nicht,
Was sie an mir verbringen.

Zum Andern gedenk seiner Barmherzigkeit,
Die Gott an den Schächer hat geleit²,
Sprach Gott gar gnädigliche:
Fürwahr, du wirst heut' bey mir seyn
In meines Vaters Reiche.

Zum Dritten gedenk seiner großen Noth,
Laß dir die Wort' nicht seyn ein'n Spott:
Weib, schau dein'n Sohn gar eben!
Johannes, nimm deiner Mutter wahr,
Du sollt ihr'r gar eben pflegen.

Nun merket, was das viert' Wort was:
Mich dürst' t so hart ohn Unterlaß,
Schrey Gott mit lauter Stimme.
Das menschleich' Heil thät' er begehrt n;
Seiner Nagel ward er empfinden.

Zum Fünften gedenk seiner Barmherzigkeit,
Die Gott am heiligen Kreuz ausschrey:
Mein Gott, wie hast du mich verlassen!
Das Elend, das ich leiden muß,
Das ist ganz über die Maßen.

Das sechst' was gar ein kräftigs Wort,
Das mancher Sünder auch erhört
Aus seinem göttlichen Munde:
Es ist vollbracht mein Leiden groß
Wol hie zu dieser Stunde.

Zum Siebenten befehl ich mich, Vater, in deine Händ'!
Den heiligen Geist du zu mir send'
An meinen letzten Zeiten,
Wenn sich mein' Seel' von mir will scheiden,
Und mag nicht länger beiten³.

Wer Gottes Marter in Ehren hat
Und oft gedenkt der sieben Wrot,
Des will Gott eben pflegen
Wol hie auf Erd' mit seiner Gnad' ,
Und dort im ewigen Leben.

Quellen:

Sämtliche Texte sind der [Glaubensstimme](#) entnommen. Hier sind zumeist auch die Quellangaben zu finden.

Die Bücher der Glaubensstimme werden kostenlos herausgegeben und dürfen kostenlos weitergegeben werden.

Diese Bücher sind nicht für den Verkauf, sondern für die kostenlose Weitergabe gedacht. Es kommt jedoch immer wieder zu Fragen, ob und wie man die Arbeit der Glaubensstimme finanziell unterstützen kann. Glücklicherweise bin ich in der Situation, dass ich durch meine Arbeit finanziell unabhängig bin. Daher bitte ich darum, Spenden an die **Deutsche Missionsgesellschaft** zu senden. Wenn Ihr mir noch einen persönlichen Gefallen tun wollt, schreibt als Verwendungszweck „Arbeit Gerald Haupt“ dabei – Gerald ist ein Schulkamerad von mir gewesen und arbeitet als Missionar in Spanien.

Spendenkonto: **IBAN:** DE02 6729 2200 0000 2692 04,
BIC: GENODE61WIE

Alternativ bitte ich darum, **die Arbeit der Landeskirchlichen Gemeinschaft Schlossplatz 9 in Schwetzingen zu unterstützen.** Die Landeskirchliche Gemeinschaft „Schlossplatz 9 in Schwetzingen ist eine evangelische Gemeinde und gehört zum Südwestdeutschen Gemeinschaftsverband e. V. (SGV) mit Sitz in Neustadt/Weinstraße. Der SGV ist ein freies Werk innerhalb der Evangelischen Landeskirche. Ich gehöre dieser Gemeinschaft nicht selber an, und es gibt auch keinen Zusammenhang zwischen der Gemeinde und der Glaubensstimme, doch weiß ich mich ihr im selben Glauben verbunden.

LANDESKIRCHLICHE GEMEINSCHAFT „SCHLOSSPLATZ 9“ 68723
SCHWETZINGEN

Gemeinschaftspastor: M. Störmer, Mannheimer Str. 76,
68723 Schwetzingen,

IBAN: DE62 5206 0410 0007 0022 89
Evangelische Bank eG, Kassel

Andreas Janssen
Im Kreuzgewann 4

69181 Leimen

Natürlich suche ich immer noch Leute, die Zeit und Lust haben, mitzuarbeiten - wer also Interesse hat, melde sich bitte. Meine Email-Adresse ist: webmaster@glaubensstimme.de. Insbesondere suche ich Leute, die Texte abschreiben möchten, bestehende Texte korrigieren oder sprachlich überarbeiten möchten oder die Programmierkenntnisse haben und das Design der Glaubensstimme verschönern können.

Endnoten

Anmerkungen

[←1]

In dem Original steht: hieng

[←2]
gelegt, erzeugt

[←3]
warten, bleiben

Table of Contents

Vorwort

Böschenstein, Johann - Ain Christlicher Vnderricht der Bruederlichen lieb ...

Lieder

 Ain new gedicht, durch Johann Böschenstein

 Da Jesus an des Kreuzes Stamm

 Passionslied

Quellen:

Endnoten

Anmerkungen

Inhaltsverzeichnis

Vorwort	1
Böschenstein, Johann - Ain Christlicher Vnderricht der Bruederlichen lieb ...	2
Lieder	7
Ain new gedicht, durch Johann Böschenstein	7
Da Jesus an des Kreuzes Stamm	9
Passionslied	11
Quellen:	13
Endnoten	15
Anmerkungen	16
Table of Contents	19